

Քո մեջքդ է քան զուռ բարակ, քո ծամերդ իջեր բարունակ:  
 Իմ եա՛ր, երբ գայդ ինձ ասիր, դու ապրի՛ս հազար ժամանակ,  
 Ես այլ ի աուրս ի վեր ի ծոցուս անեմ քեզ ճարակ:

Լ Ա .

Փոքրիկ բուլորիկ շամամ, ե՞րբ լինի սիրոյդ տիրանամ.  
 Քո բերդ յանատակ ծովուն, ուքեաֆիր ալին պահապան:  
 Երթամ հաւ մըրտիմ լինիմ, գամ ընկնիմ ի ծովդ ու լողամ,  
 Այնչափ ելումուտ անեմ մինչեւ քո սիրուդ տիրանամ:

Լ Բ .

Նըման ես ի յայն ոսկին որ Մըսրայ Տերըն կու պահէ.  
 Քու ձայնդ ի յերկիր ելեր, գթո խըյմժըդ մարդ չըզիտէ:  
 Ըզթո խըյմէթդ ես գիտեմ, որ ճիկերս ի փորս եփեր է.  
 Սըրտիկս է յաղեղ նըման, գիրկըդ լար է ափըրշումէ:

Լ Գ .

Պառչայ մի տընկեր եմ ես, թ'ի՛նչ աղէկ մորճեր կայ ի ներս.  
 Սընուցի 'ւ ի հասք բերի, խըլեցի՛ն գայն ու կուլամ ես.  
 Չետ մանկակորուստ կաքաւ՝ ի լեռներն ի շուրջ կուգամ ես.  
 Լըսեր եմ ակնատ ունիս, բե՛ր լարե՛, գամ ընկնիմ ի ներս:

Լ Դ .

Տեսայ զիմ եարըն նըստած, զետ հազար լուսին բուլորած,  
 Չետ զարեգակըն վառած, զետ պայծառ աստղըն զարդարած.  
 Չոտկունքն ալ ի շուր եդիր, ըզնըռնայ ձեռքուկն ալ լըւաց,  
 Կըտուածի թեփսիւնդըրած, արմաղան դըրած բաժանած:

Լ Ե .

Արեգակն ու պայծառ լուսին, որ կ'ելլեն ի մէկ թապիհէ,  
 Իմ եարն ի տանէն ի դուար զերկունքին լոյսըն կու պատլէ:  
 Նըման այն աստեղն ես դուն որ ամէն առաւօտն ելնէ,  
 Քիչ քիչ նա ի վեր կուգայ, զբարի լոյսն ի հետ կու բերէ:

Լ Չ .

Իմ սիրտս ի քո վառ սիրուդ զետ աշնան դազել կու դողայ.  
 Արտասունք ի յերեսս ի վեր զետ զարնան անձրեւ կու ցողայ.  
 Հոգիս ի յիսնէ ելաւ, մէկ մի քո ծոցոյդ ճար արա՛.